

naiz: 20 gigatik 30era pasatzea, prezioa igo gabe, igartzen da.

guuk.
ZUNTZA MUGIKORRA TB

Ikusi


0:20 / 0:

2024 URT. 30

Plastikozko edalontzi berrerabilgarriak erabiliko dituzte Hernaniko 15 tabernak txotx garaian

Plastikozko edalontzi berrerabilgarriak erabiliko dituzte Hernaniko 15 ostalaritza establezimenduk txotx garaian. Sortzen den hondakin kopurua murriztu eta kaleak garbiago mantentzeko helburua du sistemak, erabilera bakarreko plastikozko edalontziak albo batera utziz.

NAIZ



Unai Gaztelumendik egin du edalontzien diseinua. (Hernaniko Udala)

Aurtengo txotx garaian plastikozko edalontzi berrerabilgarriak erabiliko dituzte Hernaniko 15 taberna eta jatetxek. Horrela, ez dituzte edariak plastikozko erabilera

bakarreko edalontzietan zerbitzatuko. Aurten lehenengo aldiz, Udalak edalontzi berrerabilgarriak txotx denboraldian ere erabiltzeko lanketa egin du herriko ostalaritzako establezimenduekin.

Batetik, hondakin gutxiago sortzea da helburua, Udalak berak jakitera eman duenez. Bestetik, kaleak garbiago egotea ere lortuko dutelakoan daude. Azaldu dute Hernaniko herritarrentzako «onuragarria» izango dela ostalaritza establezimenduetan edalontzi berrerabilgarriak erabiltzea, txotx denboraldiko asteburuetan kaleetan pilatzen den hondakin kopurua murrizten lagunduko baitu, haien bizimodua erraztuz.

PUBLICIDAD



Momentuz, 15 tabernak bat egin dute ekimenarekin. Borondatezko sistema izanik, Udalak eskerrak eman nahi izan dizkie, «herritarrengan onura zuzena izango duen neurri honekin hartu duten konpromisoa dela eta».

Halaber, gogora ekarri dute gainontzeko ostalariek ere bat egin dezaketela ekimenarekin, udaletxean informazioa eskatuz.

Bilketa puntuak

Edalontziak tabernetan bertan eskuratuko dituzte erabiltzaileek, euro baten truke. Edalontzi hori bera erabili ahal izango dute Hernaniko ostalaritza establezimendu ezberdinetan kontsumitzeko.

Edalontzi hauek etxera eraman ditzakete edo tabernetan bertan utzi. Bestela, Udalak bilketa puntu bereziak jarriko ditu edalontziak uzteko: Atsegindegin, Zinkoenean, Ibaiondon eta Plaza Berrin. Horrela, erraza izango da erabiltzaileentzako edalontziak bertan behera botata ez uztea.

Edalontzi berrerabilgarriek Unai Gaztelumendik ekimenerako propio sortutako irudia daukate. Artistak azaldu duenez, «gune berean elkartzen diren lagun, talde, asmo eta jatorri ezberdinak» irudikatu nahi izan ditu. Horretarako, Hernaniko Ezkiaga pasealekua irudikatu du, «umore onak plaza hartuta».

Hauek dira, momentuz, edalontzi berrerabilgarriak erabiliko dituzten taberna eta jatetxeak: Aieko, Akeit, Andrekale 21, Apeadero taberna, Ekos, El Caserio, Garin, Goizargi, Guria, Joxe Mari, Kitto, Kixkal, Tripontzi jatetxea, Txoko eta Zinkoenea.

PUBLIZITATEA

Zer kontatu genuen gaurko egunez?

ARTEFAKTUA

1977 ETORKIZUNA
1999 EGUNIK
2024 EGUN



PUBLIZITATEA



PUBLIZITATEA

ENTRA

ARTEFAKTUA

1977
1999
2024



ETORKIZUNA
EGUNIK
EGUN

Klikatuenak



Ondarroako mural bat, munduko onena eragin sozialaren kategorian



Los denunciantes insisten en la ilegalidad y el derribo del chalet de Xabi Alonso en Igeldo



La edil del PP en Eguesibar, sobre el euskara: «Es una lengua que identificamos con el odio»



Encuentran al cardenal iruindarra José Luis Lacunza, desaparecido hace dos días en Panamá



UPN compara el Monumento a los Caídos con el acueducto de Segovia para evitar que se tire
